

ქ. თბილისი

13 დეკემბერი 2019 წელი

ერთი მხრივ, სსიპ „აწარმოე საქართველოში“ (შემდგომში - „შემსყიდველი“, „სააგენტო“) წარმოდგენილი დირექტორის მიხეილ ხილურელის სახით (მის: ქ. თბილისი, მარჯანიშვილის №5/16-18, ტელ: +995 32 2960010 (1652), მობ: 598201000 ს/კ: 204582763, საბანკო რეკვიზიტები: სახელმწიფო ხაზინა, კოდი: TRESGE22, ა/ა 200122900) და მეორეს მხრივ, შპს ტელკო სისტემსი (შემდგომში - „მიმწოდებელი“), წარმოდგენილი დირექტორის ირაკლი გულიაშვილის სახით, (იურიდიული მის. ქ. თბილისი, ვაკის რაიონი, ნუცუბიძის ქ., №221, კორპ. 1ა, ბ. 33; ფაქტიური: ქ. თბილისი, ალ. ყაზბეგის გამზირი №29ა; საბანკო რეკვიზიტები: სს „ვითიბი ბანკი ჯორჯია“; კოდი: UGEBGE22 ა/ა #GE54VT6600001212123602 /GEL, საიდენტიფიკაციო კოდი: 205203279) სახელმწიფო შესყიდვების კანონის და მიმწოდებლის სატენდერო წინადადების საფუძველზე, ელექტრონული ტენდერის (SPA190005634) ჩატარების შედეგად, სსიპ „აწარმოე საქართველოში“ (ორგანიზაციის კოდი 24 07 01) 2019 წლის დაფინანსების ფარგლებში, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) „შემსყიდველსა“ და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი/მომსახურება“ - ხელშეკრულების მე-2 მუხლით გათვალისწინებული შესყიდვის ობიექტი.

მუხლი 2. ხელშეკრულების საგანი

- 2.1. ხელშეკრულების საგანია, სსიპ „აწარმოე საქართველოში“-ს მიერ ქსელური მოწყობილობების სახელმწიფო შესყიდვა (CPV32420000).
- 2.2. შესყიდვის ობიექტის დასახელება, აღწერილობა, და საცალო ფასი განისაზღვრება დანართი N1-ის შესაბამისად.

3. ხელშეკრულების ღირებულება

- 3.1. ხელშეკრულების საერთო ღირებულება განისაზღვრება ეროვნულ ვალუტაში და შეადგენს 19,859.40 (ცხრამეტი ათას რვაასორმოცდაცხრამეტი ლარი და 40 თეთრი) ლარს.
- 3.2. ხელშეკრულების ღირებულება მოიცავს შესყიდვასთან დაკავშირებულ ყველა ხარჯს, საქართველოს კანონმდებლობით გათვალისწინებულ ყველა სახის გადასახადისა და მოსაკრებლის ჩათვლით.

4. შესყიდვის ობიექტის მიწოდების პირობები, ვადა და ადგილი

- 4.1.1 შესყიდვის ობიექტის მიწოდება უნდა განხორციელდეს ერთიანად, ხელშეკრულების გაფორმებიდან 45 (ორმოცდახუთი) კალენდარული დღის ვადაში.
- 4.2. შესყიდვის ობიექტის მიწოდების ადგილია: ქ. თბილისი, მარჯანიშვილის №5/16-18 (უზნაძის #18), შემსყიდველი ორგანიზაციის ოფისი.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტი მიწოდებულად ჩაითვლება მხოლოდ მხარეებს შორის შესაბამისი მიღება-ჩაბარების აქტის გაფორმების შემდეგ.
- 5.2. მიღება-ჩაბარების აქტში ნაჩვენები უნდა იქნას მიწოდებული შესყიდვის ობიექტის ღირებულება.
- 5.3. მიღება-ჩაბარების აქტი მხარეთა შორის გაფორმდება მიწოდებული შესყიდვის ობიექტის შესაბამისად.
- 5.4. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭებათ სააგენტოს სსიპ „აწარმოე საქართველოში“ სამეურნეო უზრუნველყოფის სპეციალისტ(ებ)ს გიგა ხარჩილავას ან/და ივანე ვერძელს.

6. ანგარიშსწორების ფორმა და ვადები

- 6.1. ანგარიშსწორება განხორციელდება შემდეგი პირობებით:
 - ა. ანგარიშსწორების ვალუტა - ლარი;
 - ბ. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 6.2. ანგარიშსწორება განხორციელდება ერთიანად, ავანსის სახით წარმოდგენილი 100%-ის ოდენობის საბანკო გარანტიის საფუძველზე.

7. მხარეთა ვალდებულებანი

7.1. „მიმწოდებელი“ ვალდებულია:

7.1.1 უზრუნველყოს შესყიდვის ობიექტის მოწოდება ნივთობრივად და უფლებრივად უნაკლო მდგომარეობაში ხელშეკრულების პირობების შესაბამისად.

7.1.2 უზრუნველყოს შემსყიდველის მიერ ჩატარებული შესყიდვის ობიექტის ინსპექტირების შედეგად გამოვლენილი ნაკლის აღმოფხვრა (ტრანსპორტირების ჩათვლით), მათ შორის წუნდებული პროდუქტის შეცვლა ახლით, საკუთარი ხარჯით ხელშეკრულების მოქმედების განმავლობაში, ასეთი ნაკლის აღმოჩენიდან 10 სამუშაო დღის ვადაში.

7.2. „შემსყიდველი“ ვალდებულია

7.2.1 უზრუნველყოს მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1. მიმწოდებლის მიერ ხელშეკრულებით ნაკისრი ვალდებულებების შესრულების ინსპექტირებას, ხელშეკრულების მიმდინარეობის ნებისმიერ ეტაპზე, „შემსყიდველის“ მხრიდან განხორციელებს სააგენტოს სსიპ „აწარმოე საქართველოში“ ინფორმაციული ტექნოლოგიების მხარდაჭერის სპეციალისტი ზურაბ დაბრუნდაშვილი.

8.2. ხელშეკრულების მიმდინარეობის კონტროლის მიზანს წარმოადგენს:

ა. შესყიდვის ობიექტის მოწოდების ვადების ხელშეკრულების მოთხოვნებთან შესაბამისობის დადგენა;

ბ. შესაბამისი შემოწმების აქტის საფუძველზე შესყიდვის ობიექტის ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა.

გ. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება.

8.3. ინსპექტირების შედეგად ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

8.4. ამ მუხლის არც ერთი პუნქტი არ ათავისუფლებს „მიმწოდებელს“ წინამდებარე ხელშეკრულებით გათვალისწინებული ვალდებულებებისაგან.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, ხელშეკრულების დამრღვევ მხარეს დაეკისრება პირგასამტეხლო, ყოველ ვადაგადაცილებულ დღეზე შეუსრულებელი ვალდებულების ღირებულების **0.02%-ის** ოდენობით. იმ შემთხვევაში, თუ ხელშეკრულების ერთ-ერთი მხარის მიერ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების **ღირებულების 0.1%**, მაშინ მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.2. მხარეთა მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, გარდა ხელშეკრულების 9.1. და 9.3 ქვეპუნქტებით გათვალისწინებული შემთხვევებისა, ხელშეკრულების დამრღვევ მხარეს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების **0.02%-ის ოდენობით**. იმ შემთხვევაში, თუ ხელშეკრულების ერთ-ერთი მხარის მიერ არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების **0.1%**, მაშინ მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.

9.3. მიმწოდებლის მიერ ხელშეკრულების შეწყვეტის ან მიმწოდებლის მიერ ხელშეკრულებით ნაკისრი ვალდებულების არაჯეროვნად შესრულების ან შეუსრულებლობის გამო შემსყიდველის მიერ წინამდებარე ხელშეკრულების შეწყვეტის შემთხვევაში, შემსყიდველი უფლებამოსილია მიმწოდებელს დააკისროს ჯარიმა **10%-ის** ოდენობით.

9.4. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული შემთხვევების დადგომის დროს ხელშეკრულების საერთო ღირებულების ზრდა შესაძლებელია არაუმეტეს ხელშეკრულების თავდაპირველი ღირებულების **10%-ის** ფარგლებში, სხვა რისკებს იღებს მიმწოდებელი.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად შეწყვიტოს ხელშეკრულება.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს

წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ 5 (ხუთი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ფორს-მაჟორი

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე ფორს-მაჟორული მდგომარეობის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3. მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1. წინამდებარე ხელშეკრულება ძალაშია ხელმოწერის დღიდან და მოქმედებს 2020 წლის 10 მარტის ჩათვლით.

15. სხვა პირობები

15.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე ორი თანაბარი იურიდიული ძალის მქონე ეგზემპლარად და ინახება ხელმომწერ მხარეებთან.

15.2 **შემსყიდველის მხრიდან, ხელშეკრულებაზე ხელისმოწერი პირი, ქვემოთ ხელისმოწერით ადასტურებს, რომ მიმწოდებლის** მიმართ სრულად აკმაყოფილებს „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

17. მხარეთა რეკვიზიტები

„შემსყიდველი“

სსიპ „აწარმოე საქართველოში“

„მიმწოდებელი“

შპს ტელკო სისტემსი

№	დასახელება	მოსაწოდებელი საქონლის ტექნიკური მახასიათებლები /აღწერილობა /სპეციფიკაცია	მწარმოებლის დასახელება /წარმოშობის ქვეყანა /მოდელი	რაოდენობა	ერთეულის ღირებულება დღგ-ს გარეშე (ლარი)	სულ ღირებულება დღგ-ს გარეშე (ლარი)	გარანტიის პერიოდი
1	(კომპუტატორი A ქსელური გამანაწილებელი - სვიჩი) WS-C2960X-48LPS-L / CON-SNT-WSC248SL	ინტერფეისები: მინიმუმ 48 Ethernet 10/100/1000 POE პორტები და მინიმუმ 4 SFP uplinks 1 POE სიმძლავრე: არანაკლებ 370 W კომპუტაციის სიჩქარე: არანაკლებ 216 Gbps პროცესორი: არანაკლებ APM86392 600 MHz dual core ოპერატიული მეხსიერება: არანაკლებ 512 MB ფლემ მეხსიერება: არანაკლებ 256 MB VLAN-ების რაოდენობა: არანაკლებ 1023 პროტოკოლების და ტექნოლოგიების მხარდაჭერა: CDP, RADIUS, SNMPv3 (SNMP Version 3), Spanning Tree Protocol (STP), TACACS+, IEEE 802.1Q VLAN, IEEE 802.1X, DTP, VTP, PAGP, LACP, IEEE 802.1s/w, CoS, სტეკირება სტეკირების მოდულის დამატების შესაძლებლობა. საკომუნიკაციო კარადაში ჩასაყენებელი: სასურველია 1U სივრცის დაკავება. გარანტია არანაკლებ 3 წელი მწარმოებლის გარანტია, მის ტექნიკურ ჯგუფთან კავშირის უფლებითა და პროგრამული განახლებების გადმოწერის საშუალებით. მწარმოებლის მხრიდან დაზიანების დადასტურებიდან გონივრულ ვადაში უნდა მოხდეს დაზიანებული დეტალის ჩანაცვლება.	მწარმოებლის დასახელება: CISCO წარმოშობის ქვეყანა: ჩინეთი მოდელი: WS-C2960X-48LPS-L / CON-SNT-WSC248SL	1	10 709.68	10 709.68	3 წელი მწარმოებლის გარანტია
2	(კომპუტატორი B ქსელური გამანაწილებელი - სვიჩი) WS-C3560CX-12PD-S/ CON-SNT-WSC312PD	ინტერფეისები: მინიმუმ 12 x 10/100/1000 Gigabit Ethernet POE პორტები და მინიმუმ : 2 x 10G SFP+ და 2 x 1G copper Uplink-ები 1 POE სიმძლავრე: არანაკლებ 240 W კომპუტაციის სიჩქარე: არანაკლებ 68Gbps პაკეტების გადაცემის სიჩქარე არანაკლებ 50.6 mpps ოპერატიული მეხსიერება: არანაკლებ 512 MB ფლემ მეხსიერება: არანაკლებ 128 MB VLAN-ების რაოდენობა: არანაკლებ 1023 პროტოკოლების და ტექნოლოგიების მხარდაჭერა: CDP, RADIUS, SNMPv3 (SNMP Version 3), Spanning Tree Protocol (STP), IEEE 802.1Q VLAN, IEEE 802.1X, VTP, PAGP, LACP, CoS, L3 პროტოკოლები Open Shortest Path First (OSPF), Border Gateway Protocol (BGP), Enhanced Internal Gateway Routing Protocol (EIGRP), Policy-Based Routing (PBR), Multicast Routing, and Virtual Routing and Forwarding (VRF) Lite ან პროტოკოლების გააქტიურება უნდა შეიძლებოდეს Right-To-Use ლიცენზიის გამოყენებით. გარანტია არანაკლებ 3 წელი მწარმოებლის გარანტია, მის ტექნიკურ ჯგუფთან კავშირის უფლებითა და პროგრამული განახლებების გადმოწერის საშუალებით. მწარმოებლის მხრიდან დაზიანების დადასტურებიდან გონივრულ ვადაში უნდა მოხდეს დაზიანებული დეტალის ჩანაცვლება.	მწარმოებლის დასახელება: CISCO წარმოშობის ქვეყანა: ჩინეთი მოდელი: WS-C3560CX-12PD-S/ CON-SNT-WSC312PD	1	5 338.32	5 338.32	3 წელი მწარმოებლის გარანტია

3	(უსადენო წვდომის მოწყობილობა (WiFi)) AIR-AP1815I-E-K9/ CON-SNT- AIRAP1EK	ინტერფეისები არანაკლებ 1 ცალი 10/100/1000BASE-T autosensing (RJ-45), Power over Ethernet (PoE) 5 ჯამური მომხმარებლების რაოდენობა არანაკლებ 100 რადიო ინტერფეისები ერთდროულად 2.4 GHz და 5 GHz სტანდარტები არანაკლებ 802.11a, 802.11b/g, 802.11n, 802.11ac Wave 1 სივრცული არხი (spatial streams) არანაკლებ 2x2:2 აუთენტიფიკაციის და უსაფრთხოების პროტოკოლები • Advanced Encryption Standard (AES) Wi-Fi Protected Access 2 (WPA2) • 802.1X, RADIUS authentication, authorization, and accounting (AAA) • 802.11r ან ანალოგიური 802.11ac სტანდარტის პარამეტრები • 2x2 single-user with two spatial streams • Maximal ratio combining (MRC) 20-, 40- and 80-MHz channels • PHY data rates up to 866.7 Mbps (80 MHz on 5 GHz) • Packet aggregation: A-MPDU (Tx/Rx), A-MSDU (Rx) • 802.11 Dynamic Frequency Selection (DFS) მონაცემთა გადაცემის სისწრაფეები რადიო სტანდარტების შესაბამისად • 802.11a: 6, 9, 12, 18, 24, 36, 48, 54 Mbps • 802.11b/g: 1, 2, 5.5, 6, 9, 11, 12, 18, 24, 36, 48, 54 Mbps • 802.11n data rates 2.4 GHz • 802.11ac data rates on 5 GHz გადაცემის სიმძლავრე WiFi რადიო გადამცემის გადაცემის სიმძლავრე 2.4 GHz შემთხვევაში არანაკლებ 20 dBm, ხოლო 5GHz სიხშირის შემთხვევაში არანაკლებ 20dBm ინტეგრირებული უსადენო ანტენის სიმძლავრე • 2.4 GHz, gain არანაკლებ 3 dBi • 5 GHz, gain არანაკლებ 3 dBi PoE შემთხვევაში მაქსიმალური მოხმარება არაუმეტეს 13W ელ. კვების მიწოდება 802.3af ან 802.3at PoE მართვა ცალკე მდგომი კონტროლერის გარეშე, მართვა უნდა განხორციელდეს ერთ-ერთი წვდომის წერტილის მიერ მართვის ფუნქციების საკუთარ თავზე ადებით და დანარჩენების მართვით. ე.წ. Mobility Express ან ანალოგიური ტექნოლოგიით. გარანტია არანაკლებ 3 წელი მწარმოებლის გარანტია, მის ტექნიკურ ჯგუფთან კავშირის უფლებითა და პროგრამული განახლებების გადმოწერის საშუალებით. მწარმოებლის მხრიდან დაზიანების დადასტურებიდან გონივრულ ვადაში უნდა მოხდეს დაზიანებული დეტალის ჩანაცვლება.	მწარმოებლის დასახელება: CISCO წარმოშობის ქვეყანა: ჩინეთი მოდელი: AIR-AP1815I-E-K9/ CON-SNT- AIRAP1EK	5	762,28	3 811.4	3 წელი მწარმოებლის გარანტია
---	--	--	---	---	--------	---------	--------------------------------